

Pul mablag‘lari, qiymatliklar va qat’iy hisobdagi blanklarni inventarizasiyasi

3.61. Kassa inventarizasiya qilinganda pul mablag‘lari va kassada bo‘lgan boshqa qiymatliklarning haqiqatda mavjudligi tekshiriladi. Qat’iy hisobot blanklari ham tekshiruvdan o‘tkaziladi.

Kassada pul mablag‘larining haqiqatda mavjudligi hisob-kitob qilinganda pul belgilari, pochta markalari va davlat boji markalari hisobga olinadi.

Hech qanday hujjat yoki tilxatlar kassadagi naqd pul qoldig‘iga kiritilmaydi. Kassirning kassada mazkur xo‘jalik yurituvchi sub’yektga tegishli bo‘lmagan pul mablag‘lari va boshqa qiymatliklar borligi to‘g‘risidagi bayonotlari e’tiborga olinmaydi.

3.62. Naqd pul mablag‘larini inventarizasiya dalolatnomasida qiymatliklar qoldig‘i inventarizasiya kunida naturada va hisob ma’lumotlari bo‘yicha ko‘rsatiladi va inventarizasiya natijasi aniqlanadi.

Qat’iy hisobdagi blanklarning haqiqatda mavjudligini tekshirish blank turlari bo‘yicha u yoki bu blanklarning boshlang‘ich va oxirgi raqamlarini hisobga olgan holda amalga oshiriladi. Mazkur tekshirish natijalari maxsus ro‘yxat bilan rasmiylashtiriladi.

3.63. Yo‘ldagi pul mablag‘larini inventarizasiyasi buxgalteriya hisobi schyotlarida qayd etilgan summalarni bank muassasalari, pochta bo‘limi va hokazolarning kvitansiyalari ma’lumotlari bilan solishtirish vositasida amalga oshiriladi.

3.64. Bankda hisob-kitob va joriy schyotlar, akkreditivlar, maxsus, alohida va boshqa schyotlarda bo‘lgan pul mablag‘larini inventarizasiyasi xo‘jalik

yurituvchi sub'yekt buxgalteriyasining ma'lumotlari bo'yicha tegishli schyotlarda qayd etilgan summalar qoldig'ini bank ko'chirmasidagi ma'lumotlar bilan solishtirish orqali amalga oshiriladi.